

**Iluarsiissut**

Saqqummiussissut 9. marts 2026-meersup taarserpaa

(Siunnersuutip qulequtaa qulequttallu nassuiaataani oqaaseqatigiinnik naqinnerliukkanillu iluarsiisoqarpoq)

**Uunga siunnersuut: Tusagassiorfinnut tapiissuteqartarneq pillugu Inatsisartut Inatsisaata allanngortinnera pillugu Inatsisartut Inatsisaat**

(Ilinniartitaanermut, Kultureqarnermut, Timersornermut Ilageeqarnermullu Naalackersuisoq)

**Saqqummiussissut****Siullermeerneqarnera**

Naalackersuisut sinnerlugit matumuuna tusagassiorfinnut tapiissuteqartarneq pillugu Inatsisartut inatsisaata allanngortinneqarnera pillugu Inatsisartut inatsisissaatut siunnersuut saqqummiuppara.

Tusagassiorfinnut tapiissuteqartarneq tunngavigalugu tusagassiorfiit kiffaanngissuseqarnissaat arlaannaannullu attuumassuteqannginnissaata qulakkeerneqarnissaat siunertaralugu, tusagassiorfinnut tapiissuteqarnerup nutarterneqarnissaa Naalackersuisut kissaatigaat. Tassani ilaatinneqassapput tusagassiuutilerisut digitaliusut.

Tamatumani pingartinneqarpoq eqqaassallugu, ullumikkut piumasaqaataammat pappiaranngorlugit naqinneqartarnissaat. Tusagassiorfinnut tapeeriaaseq ullutsinnut naleqquttoq, nutaaliormut inissaqartitsisoq aamma tamat oqartussaaqataaneranni oqallinnermik nukittunerulersitsisoq naalackersuisooqatigiit kissaatigaat. Tamatumani tusagassiuutit pappiaranngorlutik saqqummertarnissaanik apeqqut saqqummerpoq.

Tamanna tunuliaqutaralugu siunnersuut ilanngunneqarpoq, tusagassiorfinnut tapiissuteqartarneq pillugu piumasaqaat qulakkeerniarlugu, tusagassiorfinnut saqqummiussisunut imaluunniit pappianngorlugu saqqummiussisunut taamaallaat tapiissutaasarnera atorunnaarsinneqartoq. Tamatuma kinguneranik tusagassiorfinnut tapiissuteqartarneq pillugu Inatsisartut inatsisaanni ilaatinneqassapput tusagassiuutilerisut digitaliusut. Tusagassiorfinnut tapiissuteqartarnerup annertussusaa pillugu apeqqummut tunngatillugu sulii naatsorsuutigineqarpoq, tamanna Inatsisartunit aningaasanut inatsisitigut annertussusilerneqassasoq inatsimmi annertussusilerneqanngimmat.

Taamatut oqaaseqarlunga siunnersuut Inatsisartunut oqallisigisassanngorlugu ingerlateqqippara.